



Stadtgartenweg 11, 7001 Cuir  
Tel. 081 257 36 14 / fax 081 257 21 60  
info@bvfd.gr.ch  
www.bvfd.gr.ch

## **Scumond da pestga en il Lai dad Ova Spin**

En il trajet d'auas dal Spöl sura è vegnidas mesiradas valurs pli autas da bifenils policlorads (PCB) en la flora, en la fauna ed en ils sediments. Questas substanzas nuschaivlas cumprovas derivan da las lavurs da sanaziun che han gi lieu l'atun 2016 al scul da basa da l'implant d'accumulaziun Punt dal Gall. Mesiras per restabilir il stadi oriund dal Spöl sura è gia vegnidas instradadas.

Damai ch'ils PCB èn grevamain decumponibels biologicamain e sa concentreschan en la chadaina da nutriment, na poi betg vegnir exclus che peschs dal Lai dad Ova Spin sajan engrevgiads cun PCB suror la valur maximala legala. L'uffizi per la segirezza da victualias e la sanadad d'animals cusseglia perquai per motivs da sanadad da betg consumar peschs or dal Lai dad Ova Spin.

Tenor las prescripziuns da pestga vertentas (PP 2017, cifra A III) po il departament da construcziun, traffic e selvicultura concluder excepziuns concernent l'ir a pestgar.

Per excluder la ristga da pigliar e da consumar peschs engrevgiads cun PCB vegni scumandà d'ir a pestgar en il Lai dad Ova Spin sco er en il Spöl sur quest lai d'accumulaziun, e quai a partir d'immediat e fin a la revocaziun.

Cuir, ils 13 da mars 2017

Departament da construcziun, traffic e selvicultura  
dal Grischun  
Il schef:

*Dr. Mario Cavigelli, cusseglier guvernativ*